

黃籙救苦十齋轉經儀

勸

祝香

此香乾坤有質日月凝華抱生成之數於五行騰馥郁之馨於百和諧天稱慶萬聖臨軒

至真无上道實玄都萬壽天尊以此麝香功德端為上祝

皇圖華固

聖壽無疆欽願北極齊年南山等壽箕單上符於玉曆華夷永彼於淳風

此香天靈發穎月窟蟠根磅礴九霄可以返魂致魄周流八極得之起死回生麝向爐中供養

至真无上經實太一救苦天尊以此麝香功德超度齋壇所薦亡過某靈魂洎附薦眾魂

盡脫重陰之府俱登長樂之鄉福被兒存慶流後裔

此香靈煙結乎五岳瑞炁薰乎九垓為道德香過清靜境麝向爐中供養

至真无上師實十方救苦天尊以此麝香功

德拔度三塗六趣十官九幽沉迷利害之魂流浪死生之識哀哀長夜汨汨幽塗咸承三寶之惠光悉仗慈尊之願力脫離垢濁俱證清虛

按人各恭信

三歸依 敷座讚

伏以妙道難名洪恩普度德顯大慈之號位居東極之尊灑甘露而熱惱清涼散惠光而幽明洞照無所化而不化在處應身因以機而顯機利生接物定而善應慈以玄通一體同觀普天均被說經教化形於十方救苦魂超度於三界息七趣六情之痛楚停三塗九夜之辛酸委悉聚功享天堂之大福隨機赴感絕地獄之苦聲接引羣迷宏開眾妙提携庶類俱入大乘以今奉為齋主其資薦六過某靈魂修崇妙範恭啓蘭場科宣三洞之洪儀經轉十天之寶籙冀玄宮之垂鑑度魂爽以超昇俾亡過某師聽真詮頓脫離於苦趣躬承惠澤獲造跡於仙階夢及幽局羈執之徒悉濟身後冤仇之眾俱沾曠蕩盡出輪迴

茲請同盟之士各運入室之誠潔志澄心端身正念一依經法次第宣行

入壇至 東方跪奏

具位誠惶誠恐稽首頓首再拜奏啓

東方玉寶皇上天尊東鄉救苦真人童子无

鞅真眾恭望聖慈俯垂洞鑒仗以尊居震位

有生咸賴於陶鎔春動陽和無物不資於造化金丹初轉木德敷榮敢祈告命於靈司是

用願符於曲府匪憑洪造難格玄恩伏望綠

輦升攀來鑑十具之會環函寶笈周圓一過之功且干冒聖威下情無任懇祈之至法眾

虔誠謹伸奉請

請聖 散花 宿命讚 陞座

演第一遍經

伏聞香林苑內常言救苦之經東極宮中廣運博施之德號大慈仁者稱救苦天尊應念垂慈尋聲赴感發弘誓願救度眾生盡億劫以來廣度人无量以今陞座異口同音誦誦妙經稱揚睿號奉為齋主資薦靈魂仗良因之妙力消億劫之愆暇免歷東方考對之司

2174B

徑詣清靜無極之國法衆虔誠同聲誦

經畢 再至東方

北位啓聖伏以應感分輝如滿十方之界尋
聲救苦願宏億劫之中仰冀垂慈赦忘皈命
見前清衆異口同音誦詠妙經稱揚睿號已
周一遍奉為齋主薦薦亡魂往生仙界伏願
假威神之妙力拔罪苦之迷途出東方冥昧
之鄉登慧靜華林之境所有
太上真符謹當宣告

宣符 跪闕 送聖

南方跪奏

具位誠惶誠恐稽首頓首再拜奏啓
南方玄真萬福天尊南鄉救苦真人童子无
鞅真衆恭望聖慈俯回洞鑑伏以德輝離位
光明洞照於邇遐化開南閩神造陶鎔於溟
漠兩轉爐中之大藥無全地下之枯骸敢祈
告命於靈司是用頒符於曲府匪憑洪造難
格玄恩伏望綠輦丹輦來鑑十真之會琅函
寶笈周回二遍之功臣于冒聖威下情無任
懇禱之至法衆虔誠謹伸奉請

請聖 散花 陞座

演第二遍經

伏聞元始上帝昔在香林苑內宣告法解真
人讚嘆大慈仁者謂欲九幽亡狡超度必當
一念注想稱揚願宏當時度品之功俯鑑此
際皈依之志以今陞入經座異口同音誦詠
妙經稱揚睿號奉為齋主恭資薦亡過其靈
魂仗良因之妙力消億劫之愆尤免歷南方
考對之司徑詣真老無極之國法衆虔誠同
聲誦誦

經畢 再至南方

具位啓聖伏以天忝歸身感自然之別體塵
沙示現顯變化之殊因功德難量皈依至切
見前清衆異口同音誦詠真經稱揚睿號已
周二遍奉為齋主恭薦枝亡魂往生仙界伏
願赤赫奕之靈光度魂儀於丹界不拘逼合
永起南方冥昧之鄉早證逍遙徑上端化莊
嚴之境所有
太上真符謹當宣告

宣符 跪闕 送聖

西方跪奏

具位誠惶誠恐稽首頓首再拜奏啓

西方太妙至極天尊西鄉救苦真人童子无
鞅真衆恭望聖慈俯垂洞鑒伏以允澤潛流
金天乘運說茲萬法協和覆載之機應彼四
時啓迪生成之化羣生蒙惠三遍說經敢祈
告命於靈司是用頒符於曲府匪憑洪造難
格玄恩伏望綠輦丹輦來鑑十真之會琅函
寶笈周回三遍之功臣于冒天威下情無任
懇禱之至法衆虔誠謹伸奉請

請聖 散花 陞座

演第三遍

伏聞救苦真詮功過單於九地慈尊寶號恩
普及於十方技領無邊讚揚莫盡以今陞入
經座異口同音誦詠真經稱揚睿號奉為齋
主資薦靈魂往生仙界仗良因之妙力消億
劫之愆取免歷西方考對之司徑詣法寶无
極之國法衆虔誠同聲誦誦

經畢 再至西方

具位啓聖伏以技領无邊散祥煙而塞死尸

超度三界擁慶雲而開主門仰聖化之巍巍
罄丹誠之切切見前清眾異口同音諷誦具
經稱揚審說已周三過奉為齋主薦悼亡魂
往生仙界伏願天光下燭惠澤滂沾出離西
方冥昧之鄉升舉利益莊嚴之國所有

太上具符謹當宣告

宣符 疏關 送聖

北方跪奏

具位誠惶誠恐稽首頓首再拜奏啓

北方玄上玉晨天尊北鄉救苦真人童子元
鞅真衆恭望聖慈俯回洞鑑伏以啓至陰而
聲運習威德於坎宮萬物得以歸休奉生資
而靜息說經四過敷澤羣黎敢祈告命於靈
司是用頒符於曲府匪憑洪造難格玄恩伏
望綠輦丹臺來鑑十具之會環函寶笈周圓
四過之功日干冒聖威下情無任懇禱之至
法衆虔誠謹伸奉請

請聖 散花 陞座

演第四過

伏聞大洞妙經普救無邊之苦衆青玄上帝

常垂不倦之慈悲恩被羣生願弘浩劫以今
陞入經座異口同音誦誦妙經稱揚審說未
為齋主資薦亡魂仗良因之妙力消億劫之
愆瑕免歷北方考對之司徑詣救苦無極之
國法衆虔誠同聲誦誦

經畢 再詣北方

具位啓聖伏以體皆虛空資混元而成立炁
能委順備萬物以光明凡有皈投必垂閣度
見前清眾異口同音誦誦妙經稱揚審說已
周四過奉為齋主資悼魂儀往生仙界伏願
滅身心口業生智慧光明悉超北方冥昧之
鄉徑上定具快樂之境所有

太上具符謹當宣告

宣符 疏關 送聖

東方跪奏

具位誠惶誠恐稽首頓首再拜奏啓
東方度仙上聖天尊東北鄉救苦真人童
子元鞅真衆恭望聖慈俯垂洞鑑伏以大象
胚輝凝一炁以含韻重玄化作分八索以恢
張乾道流行良山列位欲羣生而蒙福茲五

過以說經敢祈告命於靈司是用頒符於曲
府匪憑洪造難格玄恩伏望綠輦丹臺來鑑
十具之會環函寶笈周圓五過之功日干冒
聖威下情無任懇禱之至法衆虔誠謹伸奉
請

請聖 散花 陞座

演第五過

伏聞太一慈尊端拱青玄之左府洞玄妙蘊
普救黑壤之沉魂凡有歸崇必蒙濟度以今
陞入經座異口同音誦誦妙經稱揚審說兼
為齋主資薦亡魂仗良因之妙力消億劫之
愆瑕免歷東方考對之司徑詣妙因無極
之國法衆虔誠同聲誦誦

具位啓聖伏以渺渺仙源肇布一炁之炁巍

巍大範旁昭三洞之文特伸忱悃之私願賜

慈悲之澤見前清眾異口同音誦誦妙經稱

揚審說已周五過奉為齋主薦悼魂儀往生

仙界伏願單消黑簿名注丹書出東北方冥

昧之鄉登長樂界蒼元之境所有

太上真符謹當宣告

宣符 踧關 送聖

東南方跪奏

具位誠惶誠恐稽首頓首再拜奏啓

東南方好生度命天尊東南鄉救苦真人童

子无缺真衆恭望聖慈俯垂洞鑒伏以丹華

闕下凝梵炁以為官絳府庭中揚異風而照

物百谷識朝中之所三山標靈化之奇浸德

澤以無涯配真功而不宰就經六遍布化奉

黎敢祈告命於靈司是用頒符於曲府匪憑

洪造難格玄恩伏望綠輦丹輦來鑑十真之

會琅函寶笈周圓六遍之功且于冒聖威下

情無任懇禱之至法衆虔誠謹伸奉請

請聖 散花 陞座

演第六遍

伏聞巍巍大範仰東極之慈悲蕩蕩自然賴
洞玄之靈蘊莫窮稱讚惟切皈依以今陞入
經座異口同音誦誄妙經稱揚審號兼為齋
主資薦靈魂仗良因之妙力消億劫之愆瑕
克歷東南方考對之司徑詣真安無極之國

法衆虔誠同聲誦誦

經畢 再詣東南方

具位啓聖伏以紫雲密覆是名三寶之神尊

梵炁彌羅以制九天之魂爽玄功莫測丹相

必從見前清衆異口同音誦誄妙經稱揚審

號已周六遍兼為齋主資薦靈魂儀往生仙界

伏願形神俱妙魂魄超升出東南方冥昧之

鄉登妙寂界莊嚴之國所有

太上真符謹當宣告

宣符 踧關 送聖

西南方跪奏

具位誠惶誠恐稽首頓首再拜奏啓

西南方太靈虛皇天尊西南鄉救苦真人童子

无缺真衆恭望聖慈俯垂洞鑒伏以二象分

靈紐沉機於分野重陰定位凝至許於坤輿

載物稱雄承天立極經已周於七遍澤廣披

於羣生敢祈告命於靈司是用頒符於曲府

匪憑洪造難格玄恩伏望綠輦丹輦來鑒十

真之會琅函寶笈周圓七遍之功且于冒聖

威下情無任懇禱之至法衆虔誠謹伸奉請

請聖 散花 陞座

演第七遍

伏聞空中灼灼仰承大道之恩幽境冥冥實

著慈悲之惠普輪普救仙境俱登以今陞入

經座異口同音誦誄妙經稱揚審號兼為齋

主資薦靈魂往生仙界仗良因之妙力消億

劫之愆瑕免歷西南方考對之司徑詣真

无極之國法衆虔誠同聲誦誦

經畢 再詣西南方

具位啓聖伏以靈篇朗誦獲心垢以俱清審

號稱揚舉耳根之益淨既無文而不度必有

感以皆通見前清衆異口同音誦誄妙經已

周七遍兼為齋主資薦亡魂往生仙界伏願

罪根蕩滌神識清涼出西南方冥昧之鄉登

妙樂境莊嚴之國所有

太上真符謹當宣告

宣符 踧關 送聖

西北方跪奏

具位誠惶誠恐稽首頓首再拜奏啓

西北方無量太華天尊西北鄉救苦真人童

子元執真衆恭望聖慈俯垂洞鑒伏以混元
 跡朗廓玄象以傾光梵炁蒸冲融鼓清風而立
 極均分寒暑主宰陰陽既司善惡之權須酌
 重輕之報說經八遍普降羣生散折告命於
 靈司是用頒符於曲府匪憑洪造難格玄恩
 伏望綠輦升舉來鑿十真之會琅函寶笈周
 圓八過之功臣干冒聖威下情無任懇禱之
 至法衆虔誠謹伸奉請

請聖 散花 陞座
 演第八過

伏聞大道恩深宜具經而救苦幽途幸甚聞
 聖號以昇遷志篤心崇力祈濟度以今陞入
 經座異口同音誦詠妙經稱揚睿號奉為齊
 主資薦亡魂仗良因之妙力消億劫之愆瑕
 免歷西北方考對之司徑詣濟苦無極之國
 法衆虔誠同聲誦
 經畢 再詣西北方
 具位啓聖伏以罪實可哀蒙道恩而濟度念
 無休息賴經法以生成既伸皈向之誠必沐
 超凌之澤見前清衆異口同音誦詠妙經已

周八過奉為齊主資薦亡魂往生仙界伏願
 蠲消宿業澄正魂神出西北冥昧之鄉登惠
 靜莊嚴之國所有
 太上具符謹當宣告

宣符 跋闕 送聖
 上方跪奏

具位誠惶誠恐稽首頓首再拜奏啓
 上方玉虛明皇天尊上鄉救苦真人童子元
 鞅具衆恭望聖慈俯垂洞鑒伏以虛元妙境
 藏大範之玄功碧落清風扇自然之洪運真
 功渺邈惠智難窮包括穹窿司張象緯既說
 經於九過當普救於羣黎敢祈告命於靈司
 是用頒符於曲府匪憑洪造難格玄恩伏望
 綠輦升舉來鑿十真之會琅函寶笈周圓九
 過之功臣干冒聖威下情無任懇禱之至法
 衆虔誠謹伸奉請

請聖 散花 陞座
 演第九過

伏聞真詮流布示法炬於昏衢寶號稱揚運
 慈航於苦海人天普濟正道咸歸以今陞入

經座異口同音誦詠妙經稱揚睿號奉為齊
 主資薦亡魂仗良因之妙力消億劫之愆瑕
 免歷上方考對之司徑詣七寶紫霄之國法
 衆虔誠同聲誦

經畢 再詣上方

具位啓聖伏以無名無我惟接引於羣生不
 迷不荒可悟成於真道萬劫莫測於微妙寸
 誠克透於感通見前清衆異口同音誦詠妙
 經稱揚睿號已周九過奉為齊主資薦魂依
 往生仙界伏願火翳成清署劍樹化為鸞魂
 爽下離於幽都神識上升於碧落所有
 太上具符謹當宣告
 宣符 跋闕 送聖
 下方跪奏

具位誠惶誠恐稽首頓首再拜奏啓
 下方具皇洞神天尊下鄉救苦真人童子元
 鞅具衆恭望聖慈俯垂洞鑒伏以方輿載物
 弘大信以無私厚德安貞布洪基而永固成
 資道力克運神功說經普救於九泉聽法已
 周於十過皆承功而受度今入聖以超凡敢

祈告命於靈司是用頒符於曲府隱憑洪造
難格玄恩伏望綠輦丹臺來鑒十真之會琅
函寶笈周圓十通之功且干冒聖威下情無
任懇禱之至法衆虔誠謹伸奉請

請聖 散花 陞座

演第十通

伏聞東極慈父青玄老君沛法雨以潤衆生
布慈雲而覆羣品恩沾九地澤被十方以今
陞入經座異口同音誦誦妙經稱揚睿號奉
爲齋主資薦亡魂仗良因之妙力消億劫之
愆取免歷下方考對之司徑詣淨土莊嚴之
國法衆虔誠同聲誦誦

經畢 再詣下方

具位啓聖伏以至真歲教道力遍周妙哉三
洞之經至矣威神之乃上叩清都紫府下逮
黑壤黃泉咸被超升俱承惠澤見前清衆異
口同音誦誦妙經稱揚睿號已周十過奉爲
齋主資薦亡魂仗良因之妙力消億劫之
愆取免歷下方考對之司徑詣淨土莊嚴之
國法衆虔誠同聲誦誦
太上真符謹當宣告

宣符 疏關

送聖

嘆經

經者徑也指其徑路而歸焉學道修真齊生
度死坦坦蕩蕩四通八達無礙無障以此徑
路行之於精則能泝流入腦腦滿則能體強
此深根無漏保命長生之法乃地仙行此徑
路之妙也行之於神則內視返聽至虛靜一
純白內備天光煥明乃神仙行此徑路之妙
也行之於炁則能採盜大範之飛根呼吸虛
皇之天炁出乾入坤結成無相之體號曰太
一天尊乃天仙行此徑路之妙也行此徑路
去情慾則斷生死之根去邪僞則登衆妙之
門去萬物則超世表而出塵埃矣行此徑路
於陽生之時幹轉璇璣以運符一息之中使
金液灌頂銀液衝關腦既已滿則八功德水
通鼻通口復咽歸黃庭以結中丹丹之長久
則髓滿骨堅百骸固密不知有寒暑衆病之
著人此地仙之應驗也行此徑路內視返聽
守一真於上田黃房之內未嘗暫離雖隨機

接物動用形體一意常溫溫於黃庭之中靜
而常守動而常寂寂則明明則復歸於上田
久久奉定則白光圓象煥爛一室人有來干
我者我先知之此神仙之應驗也行此徑路
服炁於清晨閉息於靜夜所謂服炁者服太
和之精二景之英天炁入體百神自靈以神
御炁炁乃長停既得其息積之又積積水成
海積炁成神神凝胎結身內生身此天仙之
應驗也行此徑路觀吾之心如太空焉觀吾
之身如太無焉泛觀萬物悉皆幻化終歸殞
滅無一物一事能動搖吾之心也吾之神常
寂矣常寂則不知太虛之爲我即我之爲太
虛耶此徑路之妙應焉是故行此徑路志怠
功墮泯滅大道不成矣觀此徑路非世人修
行不足以彰其妙世人非此徑路不足以驗
其修行之功用也道者經之體經者道之用
體用兩忘其道乃光夫如是則忘於所忘不
忘其所忘也重說偈曰
爲仙爲佛本殊途 一揆同歸妙與俱
識破這些關換子 無無無有有還無

三 閱 經

黃籙救苦十齋轉經儀

二儀同卷

場二

黃籙十念儀

黃籙五老悼亡儀

黃籙十念儀

法事如式

伏以天覆地載密運生化之樞機日往月來
 盡屬虧盈之光景惟是春榮秋落陽息陰消
 難逃遷謝之期孰免輪迴之數沉乎人生三
 界性稟五常如石火之耀明似電光之倏忽
 倘非得道曷守真常今者亡過性稟坤和心
 懷上善妄想椿松等壽金石齊年奈何三彭
 二豎以相催四大百骸而莫駐絲是相離慘
 切春悲悲傷慨歿後之情深痛生前之義重
 是用嚴精法會虔備珍羞啓三境之高具揚
 十華之寶號伏願神魂不昧儼若生存頓釋
 塵緣恭聽法語

扶人各恭敬

宣告亡靈第一歸依

無上通寶十方大聖太上三尊德劫度人先
 天立教慈悲廣濟溥及羣生玉相金容分形
 變化影隨學答善應無方此世他生常當信
 禮

宣告亡靈第二歸依

無上經寶十方上聖寶藏靈文玉字金書龍
 章鳳篆三十六部萬八千篇指引沉迷超昇
 道岸行行滅罪句句消愆此世他生常當信
 禮

宣告亡靈第三歸依

無上師寶玄中大聖上古三師正一真人三
 天教主十方世界得道神仙傳法授經開悟
 羣品是其父母是大醫王此世他生常當信
 禮

伏以道引登真之路經傳化善之階秘典琅
 函仗簪裳而讚詠靈音妙範引魂魄以超昇
 人間之光景難留何煩顧戀仙界之雲輿自
 在任意躋攀已聞三寶之名再舉十華之號
 道場眾等十念如法

志心信禮東方九炁天君神仙諸靈官